



Cumün da Valsot

Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Poz 86 • CH-7556 Ramosch

Affischa

Suprastanza cumünala dals 20.9.2016

Presidi: Peer-Puorger Victor

Partecipant/s: Mayer-Schlegel Armon
Notegen-Melcher Men
Riatsch-Fedi Fadri

Absaint: Molinaro-Andry Mario, causa sezzüda our d'cumün

Protocol: Fallet-Taverna Marco

Fabrica: Paulmichl-Rodigari Albin

Giasst/s:

tractandas	tema	responsabel
126	012 Executiva Acconsentimaint protocol	tuots
127	021 Administraziun da fabrica Dum. da fabrica no. 042/2016, ingrondimaint chamonna (tualetta, remissa), allontanamaint aua persa, Andry Guido, Martin e Curdin, parcella 4882, Val d'Ascharina	vp/ap
128	021 Administraziun da fabrica Dum. da fabrica no. 043/2016, panel solar, Salis-Melcher Giovaninna, parcella 6232, Munts	vp/ap
129	021 Administraziun da fabrica Cussagliaziun da fabrica Elecziun da la cussagliaziun da fabrica	vp/ap
130	801 Vias champestras Surpassamaint vias champestras	vp/ap
131	720 Allontanamaint immundizchas Abüs immundizchas	vp/ap
132	900 Impostas cumünalas Impraists sainza fit Dumonda davart da la Pro Juventute	vp/mf
133	861 Utilisaziun da la rait Energia Engiadina (documainta in general) Sezzüda cumünaivla dal CA EE e da la suprastanza da la CEE dals 27 avuost 2016	tuots
134	940 Fits Bieraria Tschlin Augmaint dal chapital d'aczias	tuots
135	840 Industria e commerzi Bun Tschlin Manar il rendaquint	vp/mf

136	012 Executiva Orientaziuns	tuots
137	012 Executiva Varia (suprastanza cumünala)	tuots

012 Executiva

126 **Acconsentimaint protocol**

Il protocol da la sezzüda dals 10 avuost 2016 vegn approvà.

021 Administraziun da fabrica

127 **Dum. da fabrica no. 042/2016, ingrondimaint chamonna (tualetta, remissa), allontanamaint aua persa, Andry Guido, Martin e Curdin, parcella 4882, Val d'Ascharina**

Il patrun da fabrica prevezza cul ingrondimaint da la chamonna Chavradüra l'installaziun d'üna tualetta cun tanc da sarinera, d'üna duscha e la construcziun d'ün local. L'ingrondimaint previs as cunfà (30%). Il perimeter regarda il dret da fabrica as cunfà medemmamaing, adonta da l'ingrondimaint previs. L'aspet da l'ingrondimaint as sto cunfar culla part da la chamonna existenta. La suprastanza aderischa a la dumonda e decida da tilla trametter in sen positiv a l'uffizi chantunal pel proceder dal BAB.

021 Administraziun da fabrica

128 **Dum. da fabrica no. 043/2016, panel solar, Salis-Melcher Giovaninna, parcella 6232, Munts**

La fatschenda es tantinavant in uorden ed avantman in möd cumplet. I vegn amo inoltrà üna fotografia. Il permiss po gnir concess suot la procedura d'annunzcha. La suprastanza es perincletta cun quai e conceda il permiss.

021 Administraziun da fabrica

129 **Cussagliaziun da fabrica**

Elecziun da la cussagliaziun da fabrica

Il manader tecnic infuormescha sur da seis aboccamaint cun Mengia Mathis, chi füss pronta da sutour quell'incumbenza. Quella inoltescha uossa ün'offerta chi's basa sül möd üsità seguond cuosts e spaisas per quella sparta. Fintant ha ella fingià examinà ün fabricat in nos cumün e dat giò seis parair. La suprastanza es perincletta cun quai e destinescha a Mengia Mathis sco nouva cusgliadra da fabrica pel cumün da Valsot.

801 Vias champestras

130 **Surpassamaint vías champestras**

Il manzunà es gnü observà als 30 da lügl 2016 pro la Cupla da Plajezan cun seis veicul chi nun vaiva il permiss pel transit sülla via. Da quel es gnü pretais infra 10 dis üna posiziun la quala es gnüda inoltrada. La suprastanza decida da til punir cun üna multa da frs. 200.00.

720 Allontanamaint immundizchas

131 **Abüs immundizchas**

Il paster vavia chattà als 30 da gün 2016 i'l god in Val Saronna ün sach cun immundizchas, il qual es gnü controllà. Là as haja chattà l'adressa da la delinquenta. Da quella es lura gnü pretais üna posiziun, la quala però nun es gnüd'inoltrada. La suprastanza decida da tilla punir cun üna multa da frs. 200.00.

900 Impostas cumünalas

132 **Impraists sainza fit**

Dumonda davart da la Pro Juventute

Davart dal responsabel da la Pro Juventute, es gnü inoltrada la dumonda. Üna simila pratcha nu cugnuescha nos cumün. Unic il cumün da Tschlin concedaiva credits sainza fit, però a persunas chi vaivan fabricà in cumün.

La suprastanza decida da refüsar la dumonda da princip, quai pervi ch'ella vaiva fingià decis üna jada da refüsar üna dumonda sumaglianta.

861 Ütilisaziun da la rait

133 **Energia Engiadina (documainta in general)**

Sezzüda cumünaivla dal CA EE e da la suprastanza da la CEE dals 27 avuost 2016

Il president da l'EE e da la corporaziun dals cumüns concessiunaris da las oubras Engiadina, Not Carl, ha infuormà cun e-mail dals 14 da settember 2016 supra la sezzüda cumünaivla dal cussagl admin. da l'EE e la suprastanza da la CEE, chi ha gnü lö als 17 avuost 2016. La suprastanza ha tut cogniziun da quel.

Ils cumüns nun han da surtour cuosts d'investiziun vi dal proget «fibra da vaider da Mia Engiadina» percenter però ils cuosts annuals per la gestiun dals hotspots sün lur territori. Quels cuosts s'amuntan a var frs. 2'500.00 fin frs. 3'000.00 al toc. La suprastanza es perincletta cun quai.

Reguard il scumpart dals cuosts da la procedura da recuors cunter la Swissgrid ha Walter Bernegger concepì üna proposta. La suprastanza va daperüna cun quella e tilla conferma.

Ils cumüns sun uossa invidats d'infuormar fin il plü tard sülla fin d'october, sch'els van d'accord cullas propostas dals cuosts manzunadas survar.

La suprastanza acconsentischa, cha'ls drets raggiunts illa cuntaisa culla Swissgrid dessan gnir stipulats in ün convegno tanter ils cumüns concessiunaris e la Swissgrid.

940 Fitts

134 **Bieraria Tschlin**

Augmaint dal chapital d'aczias

Il suprantant dal dicasteri, Fadri Riatsch, infuormescha a la suprastanza supra il seguaint:

- Il cussagl administrativ vaiva decis d'augmantar il chapital d'aczias per max. frs. 225'000.00. Plünavant ha el decis da dar sco prüm la pussibilità als acziunaris existents da segnar ulteriuras aczias e quai cun ün rebass da 10%. Quel rebass nun es però admiss, uschè chi's ha corret quella decisiun. Il rebass vain coness in oter möd. Actualmaing es gnü segnà acziuns pella somma da ca. frs. 80'000.00. Plünavant ha concess üna persuna ün impraist da frs. 50'000.00, il qual vain lura müdà in aczias.
- Il svilup da la gestiun da la bieraria es allegraivel, il trend muossa in direcziun amunt. Ün grond problem es però la maschina d'implir giò e da lavar giò. Quella nu funcziuna bain e chaschuna üna situaziun stantusa e difficila pella produenziun. Causa quai es eir la gestiun 2015 statta magari debbla. Quella situaziun negativa ha pretais masüras ed uschè ha il cussagl administrativ decis d'aquistar üna nouva maschina chi funcziuna optimal cun plü gronda capacità. La somma es remarchabla e fintant demuossa la finanziaziun amo ün manco da var frs. 200'000.00. Ultra da quai as poja spettar ün credit d'investiziun da frs. 180'000.00. Quella decisiun vain tratta als 26 october 2016.

Conclusivmaing decida la suprastanza, cun 3:1 vusch, da segnar pel cumün da Valsot 40 aczias a frs. 500.00, dimena per üna somma da frs. 20'000.00.

840 Industria e commerzi

135 **Bun Tschlin**

Manar il rendaquint

La suprastanza discuta la fatschenda e vain a la conclusiun chi füss meglider, plü simpel ed efficient, cha l'administraziun cumünala surpigliess d'evader la gestiun e la contabilità da Bun Tschlin. Ils respunsabels da Bun Tschlin dessan concepir annualmaing il preventiv bsögnaivel e suottametter quel a la suprastanza per cha tal possa gnir integrà i'l preventiv cumünal, quai analog ad otras gestiuns cumünalas.

012 Executiva

136 **Orientaziuns**COFOX SA

Davart Fadri Cadonau, manader Engiadina, es gnü surdat al cumün ün invid - sco bun cliaint - per far part a las maestranzas mundialas da skis dal 2017 a San Murezzan. I's po giavüschar il termin preferi our da trais differentas occurrenz tanter ils 10 ed ils 12 da favrer. Far part pon 2 personas a tuot il program dal

di. La supranza vual amo ponderar, chi chi dess far part. Fin la fin da settember sto però gnir annunzchà e fin là dèssan quels chi han interess as far udir pro l'administraziun.

Bun Tschlin / Sechseläuten

La supranza dal cumün da Schächental prevezza da visitar a nos cumün. Il termin es previs als 22 october 2016. Quels sun in 9 persunas. Georg Häfner surpiglia l'organisaziun. La supranza decida cha da nos cumün fa ella part ed implü ils collavuratur da l'administraziun cumünala. Il program vain lura amo dat cuntschaint.

Mia Engiadina / proget fibra da vaider e fuormaziun d'informatica in Engiadina

Davart dal manader Jon Erni vegn infuormà sur dal termin pertocant l'occorrenza d'infuormaziun in Engiadina, dimena venderdi, als 4 november 2016 a las 19.00h ill'aula dal chastè dal Parc Naziunal Svizzer a Zerne. I fan part il capo, Victor Peer ed il suprant, Mario Molinaro.

Administraziun federala da dazi

Il capo, Victor Peer, infuormescha. I d'eira gnü constatà, ch'il cumün da Samignun saja gnü fat cuntribanda in möd fich grob (cun cigaretas). Latras vaiva l'uffizi dafatta miss in dumonda il status liber da dazi, quai scha la situaziun nu's meglra in möd considerabel. Per trattar quista problematica d'eiran gnüts rapreschantants da la Confederaziun in Engiadina Bassa. A quel inscunter vaivan fat part il capo, Victor Peer, Hans Kleinstein, capo dal cumün da Samignun e Reto Walser.

Las parts as vaivan abinadas da redüer il quantum pro di e persuna da 5 stangas cigaretas giò sün 2 stangas e quai cun entrada in vigur immediata. Quella masüra vaiva la Confederaziun acceptà ad intermin. Plünavant esa da manzunar, cha quella ha lura desisti da scurnir il contingent da tuots detaillists, quai our dal motiv, cha'l cumün da Samignun vaiva creà novas directivas e mecanissem da controlla.

Progets pel svilup regiunal (PRE) / dieta d'infuormaziun

L'uffizi per l'agricultura e da geoinfuormaziun invida a tala dieta, chi ha lö als 8 da november 2016 al Plantahof a Landquart. Ev., scha pussibel, fan part a quella Armon Mayer e Fadri Riatsch.

Lö da fabrica Chant Sura / Chant Dadaint

La fundaziun «Stiftung – Baustelle – Denkmal» invida als 29 da settember 2016 a las 13.30h ad üna visita dal lö da fabrica. I vain amo examinà chi chi fa part davart da la supranza.

Ouvras electricas d'Engiadina

La supranza piglia cogniziun da l'intervenziun resp. da la dumonda d'indemnisaziun pella furniziun d'energia da las obras d'Engiadina pro l'ElCom cunter ils cumün da S-chanf, Zerne, Scuol e Valsot (adversaris da la petiziun, cumüns da concessiun). A medem temp piglia la supranza cogniziun da la posiziun pels cumüns, concepida davart da Fadri Ramming.

012 Executiva

137 Varia (supranza cumünala)

Il capo infuormescha:

Davart da la KESB es uossa gnü decis definitivmaing, ch'ün giuvenil, abitant da nos cumün, gnia piazzà in üna staziun per giuvenils. Nossa posiziun cun propostas alternativas es gnüda refüsada, uschè cha quels cuosts sto surtour il cumün.

7556 Ramosch, 05.10.2016



Il capo:

Il manader administraziun: